

THE EPISTLE OF PAUL THE APOSTLE TO THE COLOSSIANS

1 ¹Shí Paul, Bik'ehgo'ihí'nań bik'ehgo Jesus Christ binal'a'á nshłńni, ła'íi nohwik'isn **Timótheus** biłgo, ²Colósse golzeegee ínashood daanliiníi ła'íi Christ biláhyú nohwik'íyú bada'ondliihíi bich'í k'e'iilchii: Bik'ehgo'ihí'nań nohwiTaa, Jesus Christ nohweBik'ehń biłgo biłgoch'oba'íi ła'íi bits'á'dí' ilch'í'gont'ééhíi bee nohwich'í' goz'aq le'. ³Bik'ehgo'ihí'nań, Jesus Christ nohweBik'ehń biTaa, nohwichq ba'ihéndzigo dábik'ehn nohwá ohiikaqah, ⁴Christ Jesus daahohdlaqgo ła'íi ínashood dawa nohwil daanzhoqgo ba'ikondzihií bighq, ⁵Yaaká'yú nohwiba' goz'aaníi ndaahołíhíi bighq ágádaanoht'ee; ái ndaahołíhíi yati' baa gozhóni, yati' da'aníhi bee ilk'idá' daadesots'aq ni'; ⁶Ái yati'íi nohwitahyú didezdláadhíi k'ehgo ni'gosdzán dágoz'aq nt'éégo didezdláad; nohwíi daadesots'aqgo Bik'ehgo'ihí'nań biłgoch'oba'íi da'aníigo bídaagonołshíi bijjídí' godezt'igo nt'éégo ádaanohwoliihíi k'ehgo bíi áldó' nłt'éégo ádaaboliik: ⁷Ái yati'íi Épaphras holzéhi, nohwil nzhóni, bił na'idziidi, bits'á'dí' bídaagoł'aq, áń nohwá Christ yána'iziidi ba'ondliihíi nlii; ⁸Áń Holy Spirit biláhyú nohwil'ijóóníi áldó' baa nohwil nagolni' n'. ⁹Ái bighq ái ba'ikonihidziíníi bijjídí' godezt'igo áldó' dá nohwá ohiikaqah nt'éégo godeyaa, Bik'ehgo'ihí'nań nohwá hát'íiníi bídaagonołshíi bighq daagonohsaq, ła'íi yaaká'dí'go ił'ígóziníi dawa bee nohwil ídaagoziqgo ánohwiléhgo nohwá ohiikaqah; ¹⁰NohweBik'ehń dá bił bik'ehyú hohkaahgo, ła'íi ánádaht'íi dawa bee bił daagonołshóqgo, nłt'éégo bá nada'ohsiidgo nest'a' ch'il yiká' nant'íhíi k'ehgo nłt'éégo da'noł'íi, ła'íi Bik'ehgo'ihí'nań baa nohwil'ígóziníi nołseełgo áldó' nohwá ohiikaqah; ¹¹Bik'ehgo'ihí'nań ízisko binawodíi dawa bee daanołdzilgo, ái bee nohwil daagozhóqgo nyee ndi bidag ádaanoht'eego bádaagohoh'aatgo; ¹²Ła'íi Bik'ehgo'ihí'nań nohwiTaa ba'ihédaanołshigo nohwá háhiit'igo ohiikaqah, áń bits'á'dindláádíi biyi' ínashood bíyéé doleełíi néé áldó' nohwíyéé doleełgo ładaanohwezlaa: ¹³Áń chagołheł binawodíi bits'á'zhi' nohwinildí'

biYe' bił nzhónihi bilátt'áhgee daanliiníi yitah nohwinil: ¹⁴Án bidiłíi bee nohwinch'íi bits'á'zhí' nanánohwi'dihesni, nohwinch'ó'híi bighą nohwaa nágodet'aahgo: ¹⁵Án Bik'ehgo'ihí'nań doo hit'íi dahń ye'at'éhi da'áiyihíi ye'at'éé, dawahá álzaahíi dabíntségo gozlíni: ¹⁶Án dawahá áyíílaa, yaaká'yú ágot'eehíi ła'íi ni'gosdzán biká'yú ágot'eehíi, hit'íiníi ła'íi doo hit'íi dahíi, nant'án dahnazdaahíi, dawa yedaabik'ehíi, spirits binadaant'a'íi, ła'íi inawodíi ndi; dawahá án biláhyú alzaa, ła'íi bá alzaa: ¹⁷Án dawahá dabíntsé nlii, dawahá án bee daalota'. ¹⁸Ła'íi ínashood dawa bits'íhíi k'ehgo nliigo, án bitsits'inhíi k'ehgo yebik'ehi nlii: án dantsé godeyaahíi nlii nanezna'íi bitahd'í dantsé náhi'na'í nlii; dabíi zhá dawa bee da'tiséyú nlii doleełgo. ¹⁹BiTaa dabíi ye'at'éhi dawa Christ biyi' golíigo bił dábik'eh; ²⁰Ła'íi tsí'íłna'áhi biká'gee bidił idezjoolíi bee nkegohen'ááníi nohwá goz'ąago áyíílaago, ni'gosdzán biká' ágot'eehíi dawa ła'íi yaaká'yú ágot'eehíi dawa Christ bee Bik'ehgo'ihí'nań dabíi ách'í' nłt'éégo ánáyidle'go ałdó' bił dábik'eh. ²¹Áíđ' nohwíi łah nch'ó'go ánadaahł'íi bighą Bik'ehgo'ihí'nań bits'á'zhí' ádaanoht'ee ni', ła'íi nohwinatsekeesíi bee bik'edaadinohniil ni', ndi k'adíi bik'íi ánadaanoht'ee ²²Christ bits'í dazsaaníi bee; áik'ehgo nohwíi hadaanoht'ee, doo nt'é bee nohwaa dahgoz'ąago da, doo hagog'éeégo nohwíi iditehgo da, Christ Bik'ehgo'ihí'nań binadzahgee daanoht'ee; ²³Dayúweh da'ohłłahíi bee nalwodgo nłdzilgo nasozíyúgo, hasdách'ígháhíi yati' baa gozhóni nohwíi nadaagoln'íi ndaahołíhíi doo bits'á'zhí' ádaahne' dayúgo, Christ Bik'ehgo'ihí'nań binadzahgee ágát'éégo daanoht'ee; ái yati' baa gozhóni daadesots'aaníi yáa bit'ááhgee nnee dawa bee bich'í' yá'iti'íi; ái yati' baa gozhóni baa nagoshni'go shíi, Paul, hashi'doltíi; ²⁴K'adíi nohwá shiniigonłt'ééhíi baa shił gozhóq, ínashood dawa, Christ bits'íhíi k'ehgo nłni, yá biniigodilne'íi t'ah ła' edíhíi shíi shits'í biniigonłt'ééhíi bee łaashłe': ²⁵Ínashood dawa, Christ bits'íhíi k'ehgo nłni, bá na'isiidgo hashi'doltíi, ái na'idziidíi Bik'ehgo'ihí'nań nohwiğhą shaidin'ąá, Bik'ehgo'ihí'nań biyati' dawa baa nagoshni'go; ²⁶Ái doo bigózi da n'íi doo ánídá' goldohíi ła'íi daahinolt'íi bits'á'zhí' nanł'í' ni', ndi k'adíi nnee Bik'ehgo'ihí'nań báhadaadeszaahíi bił ch'í'nah ádelzaa: ²⁷Ái bich'í' Bik'ehgo'ihí'nań doo Jews daanlii dahíi bitahyú doo bigózi da n'íi dážhó łań ílíníi bigózi go áile'go ngon'ąá, ái Christ nohwiyi' golíi, án nohwiyi' golíigo Bik'ehgo'ihí'nań baa gozhóqyú itah daahłeehgo ndaahołíi at'éé: ²⁸Christ Jesus biláhyú nnee dała'á daantíige Holy Spirit bee bayán daazliigo Bik'ehgo'ihí'nań bich'í' bił nkáh doleełhíi bighą Christ baa nagohiilni', nnee dała'á daantíige baa daahii'niigo, ła'íi dawa bee daagondząago bił ch'ígont'aahgo: ²⁹Ái bighą dážhó na'isiid, Christ Jesus binasdzíidíi nalwodgo shinkááyú na'iziidíi bee dahnsdoh.

2 ¹Dážhó nohwaa shiini'híi bídaagonłsigo hasł'íi, Laodicéa golzeeyú daagolíníi ałdó', ła'íi nnee dawa doo hwahá daashłtséh dahíi ndi baa shiini; ²Bijíi hadag ádaanzigo łań daanjooníi bee daalota'go bá hasł'íi, ła'íi doo bił nagoki dago bił'ígóziníi ch'í'ida'izkaad doleełgo, Bik'ehgo'ihí'nań nohwíTaa,

lahn' doo bee bigózi da n'íí, áí Christ at'éhi, yídaagołsijhgo bá hásh'tíí; ³Igoyá' la'íí il'ígózi lán ílíní án biláht'áhzhí' begoz'áa. ⁴Doo hadín yati' k'izé'idilteehíí bee nohwich'í' nach'aa da doleethíí bighá ádishnii. ⁵Doo shits'íhíí bee nohwíl nsh'tíí da ndi shispirit bee nohwíl nsh'tíí, áík'ehgo dawa daagodinołsigo goz'áahíí k'ehgo ádaat'íggo, la'íí Christ ndzilgo daahohdlaago bigonsiníí baa shíł gozhóq. ⁶Christ Jesus nohweBik'ehń nádaagodo'áadá' daahosohdlaádhíí k'ehgo bikísk'eh hohkaah le'. ⁷Áń bee nohwikeyhad gol'íggo bee daanołseel le', la'íí nohwíl ch'ígót'áahíí k'ehgo nohwi'odla' nalwod holeehgo dážhó ba'ihédaanołs le'. ⁸Ídaa daagonohdzaa, dá ni'gosdzán biká'gee kogoyá'íhi, la'íí yati' da'ílinéhi k'izé'idilteehíí yee isnáh ádaanihodléh hela', áí dá nnee bi'at'e' n'íí ye'adaat'éhi, dá ni'gosdzán biká' ágot'eehíí zhá bee ilch'ígót'aah n'íí, doo Christ ye'adaat'éhi da, nnee ágát'éego ilch'ídaago'aahíí baa daagonohsa. ⁹Bik'ehgo'ihí'nań ye'at'éhi dawa Christ biyi' gol'íí. ¹⁰Áń, spirits binadaant'a'íí hik'e binawodíí dawa yánant'aahń, bił dała' daanołh'íggo hadaanołwi'deszaa: ¹¹Áń biyi' daanołh'íggo áldó' nohwíí **circumcision** doo nnee bigan bee alzaa dahíí bee circumcise ádaanołwi'deszaa, Christ biláhyú circumcise ádaanołwi'deszaahíí bee nohwíí nch'ogo be'ádaanoht'ee n'íí dawa nohwaidnńlí at'éé. ¹²Bik'ehgo'ihí'nań, Christ daztsáqd' naadiidzaago áyílaahíí, binawod bada'ohííhíí bighá baptism bee Christ bił tenohwido'ńil, da'ái bee áldó' bił naadohkai. ¹³Nohwíí nch'ogo be'ádaanoht'eego la'íí doo circumcise ádaanołwi'deszaa dago nanesona' lék'e, ndi nda'hołsilhíí dawa yee Bik'ehgo'ihí'nań nohwaa nágodin'áago Christ bił daahinołnaago ánánohwidlaa; ¹⁴Christ tsí'ina'áhi bíheskałdá' Bik'ehgo'ihí'nań yegos'aaníí doo bikísk'ehyú ádaanoht'ee dahíí bighá naltsoos nohwee nniltsooz n'íí Bik'ehgo'ihí'nań tsí'ina'áhi yíheskałgo k'ihzhí' áyílaa; ¹⁵Áí bee spirits binadaant'a'íí la'íí binawodíí yitis sil'íggo ch'í'nah hit'íggo áyílaago yaa nágonesnaa. ¹⁶Áí bighá da'ákoahayú dahadín hadíí daahsaaníí bee nohwída'íltah hela', dagohíí godiyiníí bijíí dagohíí dahnáyitíhíí dagohíí Jews daagodnłsiníí bijíí, daadinolłsigo nohwihńii hela': ¹⁷Áí yunáasyú ágodonłfi bichagosh'oh zhá ádaat'ee; áídá' da'aníihíí Christ be'ágodoníí. ¹⁸Da'ákoahayú hadín, ídaagoch'iyolba'go noligo, Bik'ehgo'ihí'nań binal'a'á yaaká'yú daagol'íníí daahokqah le', daanołwiłniyúgo daadohts'ag hela', án daahołbijh le' at'éé n'íí nohwich'í' nawoch'aa hela', nnee ágát'éehíí shíł ch'í'nah ágolzaa nńihíí, dabíí bi'at'e' nch'ohíí k'ehgo binatsekeesíí bee doo nt'é bighá doo silho at'éé dahi at'éé. ¹⁹Nnee ágát'éehíí Christ, ínashood dawa yebik'ehgo Bitsits'in nliiníí, doo yotá' da; ínashood dawa Christ bits'í nłj, áík'ehgo Christ bits'í ndzilgo áyíłs, áí dásizíí nt'éego ilghadaadit'aaníí hik'e its'id bee hídaadest'qogo Bik'ehgo'ihí'nań nołseelgo áyíłs. ²⁰Dá ni'gosdzán biká' ágot'eehíí dantsé baa ilch'ígót'aah n'íí bits'ázhí' Christ biłgo nanesona' lék'eyúgo, nt'é bighá t'ah ni'gosdzán biká' ágot'eehíí nohwelik'ehgo daahinołnaahíí k'ehgo díńko begoz'aaníí bikísk'eh ádaanoht'ee? ²¹(Bínłchi'ela'; nłj'hela'; dahnné'ela'; ²²Áí dawa da'ílíí daaleeh;) áí begoz'aaníí dá nnee yegos'áni, nnee bits'á'dí'go ilch'ígót'aahíí ádaat'ee. ²³Áí ánadaach'it'íhíí goch'iyáago noligo dá hádaach'it'íggo da'ch'okqah, ídaagoch'iyolba'go noligo, la'íí kots'í bin'í'ch'idilńhgo da'ch'okqah; áí dážhó doo íłíí dadá' dá kots'íhíí zhá bił íłíí.

3 ¹Christ bił naadohkai lĕk'eyúgo, Christ yaaká'yú Bik'ehgo'ihí'nań dihe'nazhinéego dahsdaahí bits'á'dí'go ágot'eehíí zhá hádaaht'íigo bikádaadeh'íí le'. ²Yaaká'dí'go ágot'eehíí zhá baa nohwiini' le', doo ni'goszdań biká' ágot'eehíí da. ³Ni'goszdań biká' ágot'eehíí bits'á'zhí' nanesona', Bik'ehgo'ihí'nań biyi' nohwi'ina'íí nádes'íí, Christ biłgo. ⁴Christ, nohwi'ina' nliiníí, ch'í'nah nasdliigo nohwíí áldó' bił nohwits'á'dindláádgo daanoht'eehíí. ⁵Áí bigha ni'goszdań biká' ncho'go ágot'eehíí hádaaht'iiníí nohwíí biyi' daagolíníí daazothee; nant'í' nahkaihíí, ncho'zhinéego be'ádaanoht'eehíí, nohwits'í ncho'go hat'íiníí, ncho'go natsídaahkeesíí, ła'íí dawahá dayúwehégo ídáhádaaht'iiníí, áí da'íliné daayokaqahíí át'éé, áí dawa daazothee: ⁶Áí ncho'go ágot'eehíí bigha nnee dabíí zhá daabik'ehíí Bik'ehgo'ihí'nań bihashke'íí bee bich'í' goldohi at'éé: ⁷Lahn' áí k'ehgo nohwíí áldó' nahkai ni', áí k'ehgo daagonohjíí n'dá'. ⁸Áí dá' k'adíí díínko dawa yó'odaagodoh'aah; hadaashohkeehíí, nohwágochíihíí, da'oh'ni'íí, ncho'go aayádaakti'íí, yati' déench'ó'ehi yee yádaakti'íí, dawa yó'odaagodoh'aah. ⁹Doo áníídá' ncho'íí be'ádaanoht'ee n'íí, ła'íí ncho'go ánádaaht'íí n'íí biłgo yó'odaasohné'dá' doo ích'í' léda'olchoo da; ¹⁰Áníídego be'ádaanoht'eehíí ánádaagohdlaa, áík'ehgo Bik'ehgo'ihí'nań ánohwilaahíí dayúwehégo bídaagonofsíih, ła'íí bedaanoht'eego ánádaanoht'eehíí: ¹¹Ágádaach'it'eehíí nnee Greek nłni dagohíí Jew nłni, circumcise ábi'delzaahíí dagohíí doo circumcise ábi'delzaa dahíí, ła'hd' nnee dagohíí Síthian holzéhi, isnáh nłni dagohíí doo isnáh nlii dahíí doo í'ánigo baa natsíts'ikees da, áídá' Christ zhá dawa yebik'eh, ła'íí án biyi' dawa dała'á daanlii. ¹²Áík'ehgo nohwíí, Bik'ehgo'ihí'nań hadaanoht'eehíí báhadaadeszaahíí daanoht'eehíí ła'íí bił daanoht'eehíí, íánádaago'ííhíí k'ehgo díínko ádaagohdle': dawa bich'í' ch'í'zhóóníí, koł goch'oba'íí, ídaagoch'iyolba'íí, kojíí yune' isht'egodnt'ééhíí, ła'íí bágoch'oho'aalíí ádaagohdle'; ¹³Ich'í' bidag ádaanoht'ee, nnee ła' nnee yił k'í'iltahyúgo łaa nádaagodenoht'aah: Christ nohwincho'híí bigha nohwaa nágodin'aqahíí k'ehgo nohwíí áldó' łaa nádaagodenoht'aah. ¹⁴Díí dawa bitisgo í'ijóóníí ádaagohdle', áí dawahá daahotá'go dawa łaile'. ¹⁵Áídí' Christ bits'á'dí' ích'í'gont'ééhíí nohwíí biyi' yebik'eh le', dała'á nádaasohdliigo áí bich'í' nohwíí ánniíd ni'; ła'íí ihédaanoht'ee le'. ¹⁶Christ biyati' ch'í'da'izkaadgo nohwiyi' golíigo baa łał nadaagołni'go bigoyá'íí dawa bee łał ch'í'daagonoht'aah; ła'íí nohwíí biyi'dí' nohweBik'ehń bich'í' ihédaanoht'ee go da'doh'aal, siníí Bik'ehgo'ihí'nań biyati' biyi'dí'hi, Bik'ehgo'ihí'nań ba'ihégosiníí, ła'íí ínashood biyinií bee da'doh'aal. ¹⁷Dá yádaakti' shí ndi, dant'éhéta baa nahkai shí ndi, dawahá Jesus nohweBik'ehń bizhi' biláhyú ánádaaht'íí le', dabíí biláhyú Bik'ehgo'ihí'nań nohwiTaa bich'í' ihédaanoht'ee go. ¹⁸Isdzané daanoht'eehíí, daanoht'eehíí daadoht'sag le', ágádaanoht'ee go nohweBik'ehń bił dábi'k'eh. ¹⁹Nnee daanoht'eehíí, daanoht'eehíí nohwíí

daanzhoo le', doo bich'i' nohwił daagoshch'ii da le'. ²⁰Chagháshé daanohtłni, nohwitaa, nohwimaa biłgo da'ánohwiłniiyú daadohts'ag le': áí nohweBik'ehń bił goyiłshóq. ²¹Nnee daanohtłni, nohwichagháshé doo bił daadohtehgo bídaagoyotłhij da, ágádaanoht'eeyúgo dánko hayaa ádaat'ee daaleeh. ²²Nada'ohsiidí, ni'gosdzán biká' bánada'ohsiidí da'ánohwiłniiyú ádaanoht'ee le'; doo bánada'ohsiidí binadzahgee zhá ádaanoht'ee da, doo nnee biłdaagonotłshóq'í zhá bigha da; áídá' nohwijí da'at'éhé bee, Bik'ehgo'ihí'nań daadinołshíí bigha ádaanoht'ee: ²³Dant'éhé baa nahkai shíhí dahot'éhé bee baa nahkai le', nohweBik'ehń bá ashłe' daanohtsigo, doo nnee zhá bá ashłe' daanohtsigo da; ²⁴Nada'ohsiidí bigha nohwíyéé doleelí nohweBik'ehń nohwaidoné' doleelgo bídaagonotłs: Christ nohweBik'ehń bá nada'ohsiidí bigha. ²⁵Áídá' hadín doo bik'ehyú át'ée dahí bincho'í zhá bich'i' nanáhi'niil: Bik'ehgo'ihí'nań nnee doo ił'anigo yaa natsekees da.

4 ¹Nant'án daanohtłni, nohwánada'iziidí bich'i' dávik'ehyú ánadaaht'ijł, łá'í doo ił'anigo baa natsídaahkees da le'; nohwíí ałdó' yaaká'yú nohwiNant'a' golłigo bídaagonotłs. ²Dá da'ohkaqah nt'ée, ihédaanohtsigo daadeh'ij; ³Née ałdó' nohwá da'ohkaqah, Bik'ehgo'ihí'nań nohwá ch'ígót'igo nohwá be'ágodoliłhí bigha, Christ baa na'goni' doo bígozi da n'í, bigha ha'ásstíni, baa yáhiilti' doleelgo: ⁴Áí nnee bich'i' ch'í'nah ashłe'go baa yashti' le'at'ééhí k'ehgo baa yashti' doleelgo shá da'ohkaqah. ⁵Doo da'odłaq dahí bitahyú ídaa daagonohdzaago nadaahkai, goldohí ilłigo ádaanohtsigo. ⁶Dávik'ehn nohwił goch'oba'go yádaati', ishijh k'ehgo bee nohwiyati' daadiłq'shgo nnee daantłgeeg hagog'éégo bich'i' hahdzihi bídaagonotłs doleelgo. ⁷Hago ánsht'eehí dawa Tíkikas yaa nohwił nadaagolni' doleel, án nohweBik'ehń biláhyú nohwik'isn nohwił daanzhóni, Bik'ehgo'ihí'nań yána'iziidi begondłijhi, bił dała' na'isiidi nlij: ⁸Áń nohwich'i' deł'áad, hago ádaanoht'ee shíhí yígotsijhí bigha, łá'í nohwijí yil daagoyitłshóq doleelgo; ⁹Onésimus, shik'isn shil nzhóni, begondłijhi, ałdó' nohwich'i' deł'áad, án nohwitahdí' nlij. Dzaagee ánagog'ijhí dawa yaa nohwił nadaagolni' doleel. ¹⁰Aristárkas, bił ha'áshítézh, Gozhóq, daanohtłni, Marcus ałdó', Bárnabas bilah bizhaazhé nłni, (án ił'idá' łá' nohwił nadaagosni' n': nohwaa nyaayúgo bich'i' k'í daanohtzi le'gá. ¹¹Łá'í Jesus, Justus holzéhi, ałdó', Gozhóq, daanohtłni. Áí zhá nnee circumcise ádaabi'deszaahí bitahyú Bik'ehgo'ihí'nań bilałt'áhgee begoz'ánihi bá bił nada'isiid, áí shil daagoyitłshóq. ¹²Épaphras, nohwitahdí' nłni, Christ yána'iziidi, Gozhóq, daanohtłni; án dávik'ehn bijí dawa bee nohwá okaqah, nłzilgo nasozijgo, Bik'ehgo'ihí'nań nohwá hát'íni be'ádaanoht'eego, iłch'i'daanohtwidilne' doleelgo nohwá okaqah. ¹³Díí bá bígonsi baa nagoshni', dážhó nohwaa daabiini'go, łá'í Laodicéayú daagolíni, Hierápolisú daagolíni ałdó' yaa daabiini'. ¹⁴Luke, izee nłni, nohwił daanzhóni, Demas biłgo, Gozhóq, daanohtłni. ¹⁵Christ biláhyú ił'isyú Laodicéayú daagolíni, Gozhóq, shá

daabiłdoh̄nii, ła'íí Nímphas ałdó', ínashood bik̄ih yuñe'fla'ánaadaat'íihíí bíłgo, Gozhóó, shá daabiłdoh̄nii. ¹⁶Díí naltsoos nohwitahyú hojíídá' Laodicéayú ha'ánázéh yuñe' ałdó' hojíí le'; nohwíí ałdó' Laodicéad' naltsoosíí ałdó' daahohshíí. ¹⁷Arkípas shá gádaałdoh̄nii, Hant'é nohweBik'ehń nasdziidi naa yiné'íí áńle' le'gá, doo dahgo da. ¹⁸Shíí Paul, dashíí shigan bee, Gozhóó, nohwich'í' k'e'eshchii. Ha'ásítííníí bínádaałniih. Bik'ehgo'ihí'nań bíłgoch'oba'íí bee nohwich'í' goz'ąą le'. Doleełgo at'éé.